

Kitikmeot

Inuuhinut Pianggaiyautikkut Munaqhinirmut Katimayiit

Illiriinnaktaaqtan piksakhaq hamani

2016 Ukiuq Tamaat Katimadjutait Titiraa

Iqaluktuuttiaq, Nunavut: Nuvaippa 30-Dissaipa 1, 2016

Jaaniuiali 11, 2017

Piliuqhimayaat Nunavut Kavamanga

ATAYUT

Aulapkaiyt Naittumik Titiraa	Error! Bookmark not defined.
Qanuqtun Pidjutihimayuq Titiraa	Error! Bookmark not defined.
Titirarhimayut Naittumikkuugutivaktain Qablunaaqtaqtun	Error! Bookmark not defined.
Titiraaq Titirarhimayuq Ikhivautamin	6
1. Kangiqhipkaidjut	7
1.1 Naunaiyaut Huuqlu Pidjutihimayut SEMC kut	7
1.1.1 SEMC hivunikhangit	8
1.1.2 Qanurinmangaat qanuriliurniaqtutlu	9
2. 2016 Ukiuq Tamaatl Kitikmeot SEMC Katimadjutaa, Iqaluktuuttiaq	10
2.1 Katimadjutikhaat ilauyutlu	11
2.2 Katitikhimayut Katimadjutaita	18
2.3.1 Qun’ngiaktittiyut Uqagiyaitlu	19
2.3.2 Nunallaami katimakyuanga uqagiyaitlu	22
2.3.3 Havakviyuami uplumimut kangiqhidjut	24
2.3.4 SEMC Qanuriliurniaqtut havaanga upalunggaiyaidjutaata	26
3. Uqaqatigiingnik	Error! Bookmark not defined.
Ilanga A: Uqaqtiuyut	29
Ilanga b: Katitikhimayut naunaitkutit	30

Kitikmeot Inuuhinut Pianggaiyautikkut Munaqhinirmut Katimayiit

Kitikmeot Inuuhinut Pianggaiyautikkut Munaqhinirmut Katimayiit (SEMC mik taivagaat, katimayalaanggitluunniit') ukiuq tamaat katimayukhaungmatta katimayut Nuvaippa 30 mit Dissaippa 1 2016 mut Iqaluktuuttiami uqagiplugit hadja pidjutihimayut uyaqqatigut pivalliyut havaanggit avikturvingmi nakuuyumiklu pidjutiplitik inuuhinut pianggaiyautikkut nunallaani. Katimadjutaa ilauqaqhutik amigaittuni havakviuyunit kavamatkunni kivraqtuivikhaqaqhutiklu pinggahunit talimanit hamalatkunni. Ublumi atauhirmi avatkutaalu aipaamin katimani tahaqtittivaktut kavamatkunni havakviuyunit uqagiyagiplugitlu inuuhinut pianggaiyautikkut ikayuutigiyayunik, qun'ngiakhutik aktuqtauniitniklu uqagiyakhugit anggiyuni havaakhani Kitikmeoni.

Katimadjutaata aullaqtiktaat naittumik pidjutiplugu SEMC kut ilaliutiplitiklu ihivriuhugit havaakhait hulidjutaita avatilirinirmunlu ihivriuvigiyainnik avikturvingmi aippaangganit. Piqanggitkaluaqtillutik havakhimmaaqtukhanik uyararhiuqtinik Kitikmeoni, anggiyumik havaaqaqtut nappaktirinirmun pitquyauliqhuni hadja, havaakhaqtauq aadlaq pidjutihumayut hadja anggiktauvikhamik.

TMAC Resources Inc. uyararhiuqtit naalaktittivaktut hulidjutainnik 2016 mi Doris North atiqagtumi uyararhiuqvik Inuuhinut Pianggaiyautikkut Munaqhinirmut Havaanga (SEMP mik taivagaat) titiraa, piqaqtuq katitihimayunik naunaitkutinik 2015 mit 2016 minlu. TMAC kut kangiqhipkaivaktutlu aadlanggulihaaqtunik Doris North SEMP ngatni, ilaliutiplitugut ubluit ilangginut naunaiyautini. Sabina Gold & Silver Kuapurainga tauq uyararhiuqtiitlu ilauvaktut naalaktittivakhutik qanurinmanggaatigut Hanigayokmi uyararhiuqviani upalunggaiyaidjutaatalu inuuhinut pianggaiyautikkut munarittiaqtaupluni havanga qanuqtunlu piniaqhimayut naliangniklu maligakhani anggiktauyumaplutik. Aadlatlu ilauyut Nunavut Ikayuutini Kuapuraissinga (Qurluqtuaryuq Apqutikhanga Tuluqtaqvikhangalu havaanga), ilauyunilu Polar Knowledge Kanata Kanatian Ukiuqtaqtumi Qinikhiaviitnilu.

[Titiraqhimayuuq iliinnariaqaqtuq hamani taapkunanik GN, INAC, ammalu RIA titiraqtainnik]

Doris North nappaktirilahaaliqtut hadja anggiktaugutikhamiklu pitquyauvikhamiklu hadja piliqtut, imaalu aadlani anggiyuni uyararhiuqtuni havakhimmaaqtuni, katimadjutaa ihumagilluaqpaktut Nunallaatigut, Havakviuyuni Kavamaitalu uqaqvigiatigiikhutik uqariyainnik. Katimayiini ilauyut uqalluaqpaktut piyukhat nunallaani

ilihaqtitauvihagaqtitaulutik havaagiyaunahuaqtuni ayukhaqtitaunggillutik uqauhikkut ihumagiyauplunilu uqauhikput atulluaqtaunggilituq piyukhatlu ikayuutikhaqqtitaaulutiklu ikiqliyaangginni naamagahuaqtuni pilimaittaangginni aktungnaktunik. Ilitturiyauyuqlu TMAC kut hadja pivikhaqqtittiyuq nakuuqpiaqtumik havakvigiyauyaami nakuuqpiaqtumik uqaqtauhimayumik ilauyuk havaktiupluni tuniniaqhunilu katimayiyimut. Piumakpiagumayut katimayukhamik katimahuihaknaittumik malruungnik ublunik ilaliutilutik uqagiyaangginik hunanik naalaktitauyaangginniklu.

Ilitturihimalugu: Aadlangguktitaugupkiq Erika qilaminnaaq ihivriuyaangginni pilutik tunihiyaami Eugene mut (aadjiliuqlunga) numiktitauyaangginik (tamainni uqauhiitni). Numiktauqpatta qaritauyakkugutimut iliuriami, aadjiliuqhimalugitlu tamaita naalaktitauyunik (ilikkuuqlugit tutqumaviavikhainnik).

QANUQTUN PIDJUTIHIMAYUQ TITIRAQ

Una titiraa pinggahunik atayunik pidjutihimayuuq. Hivulliqpaaq kangiqhipkaidjutigiyauyuq taiguktumun Inuuhinut Pianggaiyautikkut Munaqhinirmut Katimayiinnut pipkaqhuni qanurinmanggaani huuqlu pidjutihimayut katimayiita. Atayuq tugliata naittumik qanuqtun pigiakhaanik katimadjutaa Iqaluktuuttiami Nuvaipppa 30 min Dissaipa 1 mut, 2016 mi. Taaffuma tugliata titiraa ilaliutihimayuuqlu katimadjutikhaat titiraa, ilauyukhat atiit, naittunik uqaqtukhanik, nunallaani uqariyakhainnik, uqagiyakhaniklu. Kinggungani, pinggahuani titiraa pivikhaqqaqtupluni ilanggini uqariyauyunik aadjikkiivyaktunik ihumagiyaayunik katimatillutik ilanggitlu hivuni ihumaliuqtakhainni katimaffaaqtinnatik uqiuk tamaat katimadjutaanni.

TITIRARHIMAYUT NAITTUMIKKUGUTIVAKTAIN QABLUNAAQTAQTUN

- AEM: Agnico-Eagle Uyararhiuqviit, nanminiriyaa aulapkaiyuqlu Meadowbank Uyararhiuqvia Kivalliqmi.
- CanNor: KanatianUkiuqtaqtumun Maniliurnahuarnirmun Maniktaqviit.
- CEDO: Nunallaami Pivalliyuliiyitigut In'ngilraviliyitigutlu Havaktia.
- DEIS: Inikhimanggittumik Avatiliqinikkut Aktuqtaunikkut Titiraa.
- DNSEMC: Doris North Inuuhinut Pianggaiyautikkut Munaqhinirmut Katimayita.
- EDT/ED&T: GN Pivalliyuliiyitkut In'ngilraviliyitkutlu, taapkuat GN Havakviata munariyaqaqtut katimadjutikhainnik SEMC kut.

- EDU: GN Ilinniaqtuliriyitkut.
- EIA: Avatiliqinikkut Aktuqtaunikkut Ihivriungninga, anggiqtaudjutiliqinikkut maligakhatigutlu havaanga anggiyunut havaaqhanut piyauyukhat nappaktiriatinnatik.
- EIS: Avatiliqinikkut Aktuqtaunikkut Titiraa, anggiyuamik ihivriupaktut niriugiyauyunik aktungnaqtaqtunik piumayainnik havaaqhanik, ihumaliuqhimayut aulavikhanik.
- DFS: GN Inuuliriyitkut.
- GN: Nunavut Kavamanga.
- DOH: Munaqhiliqiyitkut.
- HTO: Angguniaqtuliriyitkut.
- IIBA: Inungnut Aktumattaqtunit Ikayuutikhanut Angirut, inmikkuinnaq anggirutaa sainiutauyuq havakvigiyauyumit Kitumutlu Ihuagiyauyumut Inuit Katimayiitanut (taapkuatut QIA, KvIA, KtIA kunni) imaa piyaami Inuit piumayainnik ilitturipkaqtitaulutik nalliutivikhainnut aktungnaktayunik piumayauyumut havaakhamikmin.
- Ilitturidjut: Nalunatkutigiyauyuq 'hunalikiaq' ilitturidjutauyuq qanurinmanggaat, humi idjutigiyauyumi, akiliuhiadjut hunamut, taapkuatut ilitturidjutauyuq inuqarniat amigaivallidjutaata inungnik atauttimut nunami kakungnguktumi.
- INAC: Kavamatuqainni Nunaqaqqaarhimayulidjutinut, imaittuugaluaq AANDC (Nunatarhimayulidjutinut Kanata).
- IOL: Inuit Nunaqutait.
- IQ: Inuit Qaujimagatuqangit, Inuit Pitquhitigut Qauyimayaitluunniit.
- KIA: Kitikmeot Kivalliquunniit Inuit Katimayiita (naunaittut qablunaaqtun KIA/KitIA and KvIA/KivIA, pittiaqhugit).
- KSO: Kitikmeoni Ilinniaqtuliriyitkut.
- LHO: Nunallaami Igluliqiyitkut.
- NBS: Nunavut Kititirinirmun Naunaiyautikhanik Havakvia.
- NGMP: Nunavut Munariyangnirmun Upalunggaiyaidjutaata,
- NHC: Nunavut Igluliqiyiryuat.

- NIRB: Nunavunmi Avatilirinirmut Katimayiit, Inungnut Kavamaliqiyut piliuqhimayaat Nunataarutit Angirutaanni NLCA mik taivagaat ihivriuriami uuktuutigiyauyuq pivallivikhainniklu anggiyut havaakhat.
- NLCA: Nunavut Nunataarutaata Angirutaata.
- NPC: Nunavut Upalunggaiyaiyiit.
- NTI: Nunavut Tunngavikkut.
- QIA: Qikiqtani Inuit Katimayiita.
- RCMP: Paliihimatkut.
- SAO: Hamalatkunni Atan'nguyaa,
- SEMC: Inuuhinut Pianggaiyautikkut Munaqhinirmut Katimayiita. Nunavut piqaqtut pinggahunik Katimayiyinik, atauhik atauhirmun aviktuqviamut. Hapkuat Katimayiit katimavaktut atauhiaqhutik ukiumi tamaini avikturviitni munariyumaplugit hulidjutigiyauyukhanik pianggainikkut inuuhinut pidjutivaktut anggiyuni havaani.
- SEMP: Inuuhinut Pianggaiyautikkut Munaqhinirmut Ayuiqhaut. Piliuqhimayuq munariyaami havaanut aktungnaqtautin havaktauyaangginni inuuhinut pianggaiyautiginahuaqtaudjutit pigumik ikayuutigiyakhatlu havakviuyut uyararhiuqtuni.
- STEM: Hunavalungmut Ihivriuqpaktut Qauyimanahuaqhutik Pivaktut Titigauyarnirmunlu Iglukpakhanut, in'ngilravikhait nappaktirutikhainnutlu Kititirinirmunlu.
- VSEC: Valued Socio-Economic Component.

TITIRARHIMAYAA IKHIVAUTAMIN

Quviahuktun'nga uqangniagapku Kitikmeot Inuuhinut Pianggaiyautikkut Munaqhinirmut Katimayiit (SEMC mik taivagaat) 2016 mi pihimayuq ukiuq tamaat pidjutivaktuq titiraq qanuriliuqtuni Nuvaippa 30 mit Dissaippa 1, 2016 mi Iqaluktuuttiami katimatillutik.

Kitikmeoni SEMC kut aadlanggayut katimadjutaata tuhaqtipkaivakkamik avikturvianni ihumaliuqhimayunik pidjutigiplutik avatimiuttanik pivallivikhainik. Katimadjutaata

tigunmidjutitqaqtut Kitikmeoni SEMC kut anggiyuamik pidjutiyut nakuuqpiqatumik avikturviata munariyakhaqangmatta avatimmiutanik pivalliavikhainnik. Kivraqtuiyit kavamatkunni, havakvikyuani, nunallaanitlu katimayut uvani uqiumi katimadjutaanni uqagiplugit qanuqtun Kitikmeotat piyukhat pilugitlu ikayuutigiyauyunik uyararhiuqtinit, akhungnaktutlu pinahuanggillutik aktungnaktugiyauyunik.

Uyararhiuqvingmi Doris North mi nappaktiriyut ihuaqhaiplutiklu, hadja uyararhiuqtuni havakyuanggittut huli, katimayinga hivunikhaliuqpaktut upalunggaiyainirmun hivuninnuani havakyuqaqtaulikpat uyararhiuqvingmi atauhiinnaugaluaqluni, malruuqluunniit, havaakhat havakyuqaqniarmiut.

Katimatillutik, Sabinatkut uqaqpaktut naunaitkutunik Havaamik Hanigayukmi qanuqlu piniaqhimanahuaqtut naliangniklu piyaami maliktauyukhamik anggirunmik. TMAC kut uyararhiuqviat uqaqpaktutlu uplumimut qanurinmanggaatigut Doris North Havaanganni iniktiqhimayunik takupkaqtiplutik Inuuhinut Pianggaiyautikkut Munaqhinirmut Ayuiqhautinit (SEMP mik taivagaat). Pidjutiyuq talvuuna katimayiyinut qangiqhittiaqtiplutgit Havaadjutaannut pidjutigiyainnik inuuhinut pianggaiyautikkutjutaanni.

Quyagiyumayatka tamaita ilauyut qangiqhipkaiyutlu qauyimayainnik ayuittianggit havakpaktainniklu ikayuutigiyauyut pivalliadjutihimayumik anggiyuniklu havaanggitlu Kitikmeoni. Uvva atauhiq ikayuutigiyakhaat "*Hivumut Abluqta-Hivumuuqatigiingniq*" inuuhirittiariginnik nunallaat. Quanakpiagiangmiunga nigiuqtun'ngalu havaqatigigiangni ukiuraaluq.

Quana,

David Boyle,

Ikhivautak, Kitikmeot Inuuhinut Pianggaiyautikkut Munaqhinirmut Katimayit

1. KANGIQHIPKAIDJUT

1.1 NAUNAIYAUT HUUQLU PIDJUTIHIMAYUT SEMC KUT

Nauhimayunik nunami pivallivikhait hulaqutait ihivriungniit munarinianiitlu Nunavunmi malikkuutait maliguararhani pidjutivaktait Nunavunmi Avatilirnirmun Katimayiita (NIRB mik taivagait) Katimayiuyuq Kavamaliqidjutini piliuqhimayuyuq Nunavut Nunataarutit Angirutaanni (NLCA mik taivagaat) munariyaami avatiliqidjutit ihivriuqlugit malikhaliuqlutiklu. Iniktirutaanni NIRB kut ihivriugutainni, havaaqhak anggiktauhungnguyungnaqniaqtuq, anggiktauluni maliktaulutik maliquyait, qin'ngiyaulugitluunniit. Titiqqamik havaamut tuniyauniaqtuq anggiktauyunut havaakhanut (maliklugit maligakhaliuqtainnik), maligakhaqangniagungnaqhiyutlu "pivikhaqaqlutik munariyaqaqhiaqaqqat havaamut munariyakhaliuqlutik ilangginnut, NIRB kut Kavamatkunutuunniit" (NLCA 12.7.1). Qanurinmanggaatigut ilaliutigiyangmat havaamut, munariyakhaqagumik anggiyunut havaanut munariniagtait NIRB kut (NLCA 12.7.1). Munarinikkut pivikhaqaqtuq ilitturiyaami ihumaliugiikhimayainnik aadlangguktauyukhanik piyaakhainnik, ihumaliuqlunilu nalunaqtunik aktuqtauniit piyaaqhaita, imaalu nanminiit havakviuyut havagiakhainnik ihuaqhaqtauyaaqhainniklu ihuinaagutittaaqtunik piyukhaungmatta.

2007 min avikturviat Kitikmeot Inuuhinut Pianggaiyautikkut Munaqhinirmut Katimayiita (SEMC nik taivagait) – Kitikmeoni, Kivalliaq, Qikiqtanilu – ilitturipkaiyut havaami titiraqviqaqtukhat havaatigut kitumut havaagiyakhaumut munariyaangmat hulidjutikhani. Hapkuat katimayiit ilauyumayutlu tigungmidjutiqaqtut ilauvikhainni munariyangnikkut. Haffuma pidjutaata pidjutivaktuq munarittiarnirmun qanuqtun aadjikkiiqtumiklu pidjutivangmata avikturviangginni.

Pivalliyuliiyitkut In'ngilravliqiiyitkutlu (EDT mik taivagaat, Havakvita) GN kunnit hivulliuqtiuvaktut SEMC tigut. Taapkuatut, Havakvia havaaqangmatta katitirinirmun inuuhinut pinggaiyautikkut naunaidjutainni tamaani GN havakviitni aadlanilu, ilitturipkaivakhutik naunaitkutunik, tunihiplugit katimayiyinut aadlanut, talvuuna titiraqpakhugit titiqat hapkuatut. Tamaita avikturviitni SEMC kut ikhivautiqaqpaktut Aulapkaiyinit Nunallaani Aulapkaiyuni EDT kunni. SEMC kut ihuaqhaivaktait Avikturviinni Kitikmeot Inuuhinut Pianggaiyautikkut Ihuaqhaiyimik, havaktimitlu EDT kunni, akhuugutauyut aadjikkiigianggugiami, nalvaaqtauttaqtuniklu naunaittiaqtaqtunik, kiuvakhutiklu ilihaudjutikhanut taapkuatut Nunavut Munariyanikkut Upalunggaiyaidjutaa (NGMP mikt taivagaat).

1.1.1 SEMC HIVUNIKHANGGIT

Ihumagiplugit qaan'ngani, SEMC kut ataani titirarhimayut hivunikhait:

1. Piyaqhaitalu anggiyut havaaqhat maliktariaqhainnik anggiktaudjutainnut tikiutigiyaaqhainnik inuuhinut pianggaiyautikkut munaqhinirmut pivikhaqangniit pidjutillutik avatiliqinirmun ihivriuligumik anggiktaudjutigumik, munariyaligumiklu piyukhaungmatta NIRB pitquyainni talvaggamitlu Nunavut Nunataarutit Angirutaanni;

2. Katimapkaqlugit nunallaat, kavamatkut Inuit Katimayiinggit, ikayuutauyutlu pivallianirmun kampaniit ihuaqpiamik katimadjutikhami ilauqunialu ammaumaluni ilaliutilugitlu uqagiyainnik naunaittaqtaulutik tamainni katimaqatauyunut; imaalu
3. Katitiqlugit qangiqhipkailugitlu avikturviitni Inuuhinut pianggaiyautikkut katitihimayut naunaitkutikhat ilitturipkaqlugit tigungmidjutitqaqtunut maliktauyumik nunallaamin qauyimanikkut pitquhitigut.

1.1.2 QANURINMANGGAAT QANURILIURNIAQTUTLU

Avikturviitni SEMC kut piliuqhimayut 2007 mi, talvangaanit katimavaktut ukiuq tamaat tamainni avikturviitni. Katimadjutaa Iqaluktuuttiami tugliugivaktaat avikturviit SEMC katimadjutaani 2016 2017 maniliqiyit uqiungganni katimavakhimatillutiklu Julai mi SEMC kut Qikiqtaalurmi.

SEMC titiqqait 2012 min 2013 maniliqiyit uqiunggani hivulliutigiyauvaktu aktungnaktunik, ihuaqhaktauhimaplutiklu titiqqivilidjutikhanik talimat hitamat malikkuutit Ikayuqtaudjutikhat Inuuhinut Pianggaiyautikkut Ilaliutihimayut (VSEC kut; imaakaffuk inungnut naunaitkutait, inuuhirinirmun inuuhirittiaqvikhamutlu, ilinniaqnikkut, hunavaluitlu), 40 nguyut aadlatkiiq naunaitkutigiyaayut. Taapkuat nampait pidjutiginggitait VSEC ngat naunaitkutitlu havaamut pilluaqhimayut. Hapkuat titiqqidjutit piinnariaqaqtut takuyaqhaviqaqhutiklu qaritauyakkuugutiptingni uvani, www.NunavutSEMC.com, aullaqtiqtaupluni 2012 mi qangiqhipkaiyaami inuuhinut pianggaiyautikkut naunaitkutainnik Nunavunmiunut aadlanutlu takuyumayunut.

Titiraqviliqidjutikkut pivikhaa hivuni ihuaqhaqtauyut 2014 mi ihuaqtumik pidjutiyaami nunallaat. Titiraqtauhimayut 2012 min 2013 mut anggiyuamik naunaiyautigidjutivaktuq kititihimayunik avikturviitnut, anggiyuaqvallaagutivaktait titiraqtauhimayut imaalu ayukhautivakhuni taiguariami. Kitiqhimayut naunaitkutikhat piiqtauhimayut titiraqvigilluaqtauhimayukhamit ilaliutigiyauplu atayuni (Ilanga B uumani titiraqtauhimavianni) taiguaqtauyaanggini naunairiami qanuriliuqtaariaqhainnik kititihimayut naunaitkutigiyaayut. Imaalu, kiuvikhaqangnirmun kititihimayuni naunaitkutainik piliuqhimayuq takuyaami aadlatkiiqnik 40 nik naunaitkutigiyaayunik inuuhinut pianggaiyautikhatigut. Kitiqhimayut naunaitkutigiyaayut piinnariaqaqtaitlu SEMC qaritauyakkuugutanni.

Hivunikhaliuqtauhimayait ilauyut katimayiimi 2016 min 2017 maniliqiyit uqiungganni:

- Uqaqvigilugit Katimayiit kitut ihuatqiyauniaqtut hivuni katimadjutini imaa amigaittukhaqaqlutik ilauyukhanik uqaqviqattagamilu amigaitpatta ilauyukhat
- Tunggahuktittitlutik katimavikhainni SEMC kut atulihaaliqqat 2018 Nutaq Ukiumi pipkaiyaami Havaakhat katitiriyaami naunaiyautkutikhanit kititihimayut tuhapkaiyaami katimayiyimut

- Anggiqliyuummiklugut ihuaqhailugit GN kunni tamaani ilauyukhanik, tahapkunanilluanit avikturviitni havakvingmi ikayuqtiuyunit katimaqattainnaqtunitlu aadlani katimayiuyuni
- Titiraqvigilugit havaaqhamit naunaitkutigilluaqtauyukhanik amigaittunit atuqtauhimmaangginnaqtauyunitlu
- Ihuaqhivalliaqlugut tunihitigut naunaitkutinik katimadjutimi pidjutilimaittaanggat aadjikiiqtunik

SEMC kut pidjutihimmaaqpaktut katimaqattaiplutik tamaini Qikiqtaalurmi Kivalliqmilu 2016 mi; GN kunni tamainni ilauvaktut katimaqattainnaqpakhutiklu malruungni pinggahuniluunniit avikturviitni kihimi takudjutiyut ikitpaktut Kivalliqmi. Katimayiini ilauyut havaqatigiinnakpagait Ikayuutihimmaaqpaktut (taapkuatut TMAC kut, AEM, Baffinland lu) ihuaqtumik pidjutiyaamingnik NIRB kut inuuhinut pianggaiyainikkutjutikkut munariyaqaqvikhaqangmatta pivallialiplutiklu tikiutimayainnik ihumaliuqhimayunik ilaayunut katimayiinni.

Hivunikhat uvani maniliqiiyt uqiungganni (2016 min 2017 mun) imaatun piyuqhatlu:

- Pidjutihimmaaqlutik atuquinnaqhimmaaqplugit havaamut inuuhinut pianggaiyautikhainnik munariyagiplugit hulidjutikhat tamainni auladjutiyut havaani pidjutihimmaaqtilutiklu aadlatqiiknik tamainni havaanni,
- Ihuaqhailugit hadjamin pihimayunik piqaqtunik naunaitkutikhanik katitiqhimayunik kitiqhimayunik aadlanit ikayuutivaktuni atauhirmunggaklugit munariyahimmaariami,
- Ilitturipkailugit ihumagiyaayunik katimavangmingni ihuaqpiyaqtumik ihariagiyaayuniklu kititiqhimayunik naunaitkutikhanik, imaalu
- Hivunikhaliuqhimmaaqlutik upalungailutik pidjutihimayut hivullitigihimayukhanik taimmainni avikturviitni pidjutihimayukhat ikayuutikhanik Nunavunmiut kiuvikhainnut inuuhinut pianggaiyautikkut aadlanggukhimayunik.

Ihuaqhailiktut katimadjutikhamik Havaqatigiikpagainnik Nunavunmi atuquhimaariamingnik naunaiyautikhat piliuqlutiklu unniutikkut aktuqtauniitnik ikayuutikhatlu atuqtauluni tamaani atuqtaudjutaavaktunik Nunavunmi, taapkunanik avikturviit ihumagivagainnik atuqpaktainik hadjamin titiqqivilidjutigiyainnik.

2. 2016 UKIUQ TAMAAT KITIKMEOT SEMC KATIMADJUTAA, IQALUKTUUTTIAQ

Talimat hitamainni Kitikmeot SEMC katimadjuta pivaktut Iqaluktuuttiami Nuvaippa 30 min Dissaippa 1, 2016 mi. Kavamatkunni kivraqtuunggit tunihivaktut kititikhimayunik aadlatkiiqnik inuuhinut pianggaiyaidjutikhainnik naunaiyautigivaktainnik ikayuutikhainnik munariyarnirmun aadlanggukpaktunik nauhimayut nunami pivalliaavikhainnik.

Kivraqtuiyut ilauvaktut pinggahunit hamalatkunnit tuniplutik naunaitkutunik qun’ngiakpagainnik atuqpagainniklu nunallaamingnik, anggiyuamik uqaqvigiyauvaktait takudjutiplutik amigaingnikkut ilautigiyauvaktunik amigaingnikkut kititiqhimayut naunaitkutikhat.

2.1 KATIMADJUTIKHAAT ILAUYUKHATLU

Una ilaudjutta takudjutivaktuq kitunik katimadjutiginiaqtainnik ilaliutiplutik katimadjutikhamik tuyuqtauvaktumik ilauyukhanik. Titirarhimayutlu kitkunik ilauvaktunik. Qanurinmanggaatigut katimadjutaata titirarhimayut ilangginni 2.2. mi.

Ubluit:

Pinggattiut Nuvaippa 30, 2016;
Hitammiut Dissaippa 1, 2016

Humi:

Arctic Islands Itiktikviani – Iqaluktuutiaq, NU

Ikhivautauyuq:

David Boyle, Aulapkaiyilluaq Nunallaami Auladjutivikhaini Kitikmeot
Nunavut Kavamanga, Havakviata Pivalliyuliiyitkunni In’ngilraviliqiyitkunnilu

Ihuaqhakhimayuq Katimadjutikhaq:

Ubluummaanmi katimadjutta
2:45 ubluummaanmi 6 qaanggiktumut

1. Ammaktirutaa	
GN-EDT <ul style="list-style-type: none">David Boyle	Ikhivautauyuq ammaktirutiyuq
SEMC	Ilauyut kangiqhidjutaita
GN kunni EDT kut <ul style="list-style-type: none">Lou KamermansErika Zell	Qanuqtun pidjutivaktut SEMC kut hivunikhaitlu uuma katimadjutikhaanga <ul style="list-style-type: none">Taiguaklugu KatimadjutikhaqQanugiliuqpaktut katimagamik kinggulliqmin

<ul style="list-style-type: none"> Chantelle Masson 	<p>katimadjutaanni SEMC kut?</p> <ul style="list-style-type: none"> Kitikmeot SEMC tamainnik uqaqvigiyakhait Havaamut kitulluat Havaqtiuyut Katimadjutikhamut hivunikhait
2. Inuuhinut Pianggaiyainirmun Munariyarnik	
<p>Kavamatkunnit Ilauyut</p> <ul style="list-style-type: none"> Nunavut Kavamanga Kanatap Kavamanga 	<p>Uplumimut tuhaqtipkaiyut Avikturviitnit GN kut Havakviitnit kavamatkunnutlu kivraqtuunguyut</p> <ul style="list-style-type: none"> Ihuaqtigiyayut hulivikhat Qun'ngiaqtait Uqagiyayut Apikkuutit Kiudjutitlu
<ul style="list-style-type: none"> Nunallaatnit Ilauyut 	<p>Ammaumayut uqariami ilitturipkaiyaami hulivaktuni nunallaani</p> <ul style="list-style-type: none"> Ikayuutit aktungnaktutlu hadja havaktauyunik anggiyuani havaangginni Qun'ngiaqtait
<p>Nunavut Munariyarnirmun Upalunggaiyaidjuttaa AANDC</p> <ul style="list-style-type: none"> David Abernathy 	<p>Qangihipkaidjut</p> <ul style="list-style-type: none"> Ihuaqtutigiyayut hulivikhat Qun'ngiaqtait
<p><i>Uqaqatigiingnik</i></p>	<ul style="list-style-type: none"> Iniktigutit naammaktumik tikiutivat? Aglingnakqat takuyakhat naunaitkutigiyayut?

Day 2

**Morning Session
9:00AM-11:45AM**

3. Uplumimut qangihipkaidjut havaanut	
Sabina Gold & Silver	Uuktuqtaudjutigiyaat Havaaqhak Uyararhiuqtiit

<p>Uyararhiuqtit</p> <ul style="list-style-type: none"> • Jason Prno 	<p>Hangigayukmi</p> <ul style="list-style-type: none"> • Uplumimut qangiqhipkaiyut 2015 min 2016 mut hulidjutainnik • Inuuhinut pianggaiyainikkut ikayuutikhat aktuqtauniitlu • IIBA aivaktaudjutit uplumimut qangikhipkaiyut • SEMP pivalliajutait kangiqhipkaiyutlu uplumimut hulivaktainnik • Apikkuutit kiudjutitlu
<p>TMAC Resources Inc. Uyararhiuqtiit</p> <ul style="list-style-type: none"> • Alex Buchan • Kent Gustavson 	<p>Hanigayukmi Hope Bay Gold Havakvianilu</p> <ul style="list-style-type: none"> • 2015 min 2016 mun uplumimut kangiqhipkaidjut havaami • Uuktuutigiyait ihuaqhaktauyukhat Doris North Havakviani • Iniktigutit Doris North SEMP ngatnit • Ihuaqhakhimayait Doris North SEMP ngatnut • Ilanggit illitturiyakhat nutaanngukhimayuni IIBA kunni • Qanuriliuqniaqhimayut Hannigayukmi • Apikkuutit kiudjutitlu
<p><i>Uqaqatigiiktut</i></p>	<ul style="list-style-type: none"> • Iniktigutit naammaktumik tikiutivat? • Aglingnakqat takuyakhat naunaitkutigiyaayut?
<p>POLAR/CHARS</p> <ul style="list-style-type: none"> • David LeBlanc • Alain Leclair 	<p>Qun'ngiaktittivaktut uqagiplugit havaakhat piumayainniklu katimatillutik Iqaluktuuttiami</p> <ul style="list-style-type: none"> • Kanataup Ukiuqtaqtumi Qauyihaivinga Uplumimut Kangiqhidjutin • Nunallaami piumayait

**Ubluummaat katimadjutait
1:15 min 4 qaanggiktumun**

<p>Nunavut Resources Corp</p> <ul style="list-style-type: none"> • Patrick Duxbury • Charlie Evalik • Nick Lawson 	<p>Hanigayukmi Apkutikhaa Tuluqtaqvikhaalu Havaanggit</p> <ul style="list-style-type: none"> • Havaakhaa Naunaitkutaa • Nigiugiyait 2016 min 2017 mut hulidjutikhait • Inuuhinut pianggaiyaidjutikhat ikayuutit aktungnaktutlu • Apikkuutit kiudjutitlu
<p>GN-EDT</p> <ul style="list-style-type: none"> • Erika Zell • Lou Kamermans 	<p>Kivalliq Qikiqtaaluklu SEMC updates</p> <ul style="list-style-type: none"> • Highlights from Q-SEMC meeting (July 2016) • Summary of findings from Mary River & Meadowbank SEMP's • Apikkuutit kiudjutitlu
<p>Kitikmeot Inuit Katimayiita</p> <ul style="list-style-type: none"> • Michelle Buchan 	<p>Tuhaqtipkaiyuq uqaqatigiplugitlu havaat havaagiyakhatlu Kitikmeoni</p> <ul style="list-style-type: none"> • Inuit Havaagiyakhait Ayuikhaivikhaitlu
<p>Kitikmeot SEMC</p>	<p>Katimayut uqaqtait SEMC tigung hivullitigiumayainnik</p> <ul style="list-style-type: none"> • Ihivriuqtait ubluit hivulliqaami tuglianilu • Aadlani hivullitigiyauyukhani? • Humik takumavit hivumuugutikhanut? • Ihivriuqtait SEMC hivunikhaliurutikhanik
<p>GN-EDT</p> <ul style="list-style-type: none"> • David Boyle 	<p>Umiktigutait Ikhivautamin</p>

Katimaqatauyut 2016 Kitikmeot Inuuhinut Pianggaiyainikkut Munariyakhaq Katimayiita

Nuvaippa 30 min Dissaippa 1 mut Iqaluktuuttiaqmi

Katimayiuyut	Havakvigiyauyaat	Atiq	Havaak	Nunagiyaa
GN	EDT	David Boyle	Atan'nguyalluaq, Kitikmeot Nunallaami Aulavikhainnut	Kugluktuk
	NBS	Ryan Mazan	Atan'nguyalluaq	Pangnirtung
	EDU	Catherine Keeling	Atan'nguyaq Sikuuqvinut	Kugluktuk
	EDT	Harry Maksagak	Nunallaamun Uyararhiurnirmun Uqaudjaui	Iqaluktuuttiaq
	H	Mary Rose Maksagak	Ihumaliqidjutinut Havakti	Iqaluktuuttiaq
	H	Greg Thibault	Avatiliqidjutinut Aanniaqtailivikhadjutinut Havakti	Iqaluit
	J	Christine Aye	Nunallaami Apikhuiyiliqidjutinut Havakti	Iqaluktuuttiaq
	NAC	Fiona Buchan-Corey	Ilihakpaalirviani Atan'nguyaq	Iqaluktuuttiaq
	EDT	Hugh MacIsaac	Nunallaami Nauhimayunik Nunami Ihivriuktiit	Iqaluktuuttiaq
	EDT	Erika Zell	Avatiliqidjutinut Ihivriungnirmun Ihuaqhaiyi	Iqaluit
	EDT	Lou Kamermans	Atan'nguyaq, Avatiliqidjutinut Ihivriungnirmun Maligaliurnirmunlu	Iqaluit
	EDT	Chantelle Masson	Avikturviinmut Inuuhinut Pianggaiyainirmun Ihuaqhaiyi	Iqaluit
Industry	TMAC	Alex Buchan	Aulapkaiyi	Iqaluktuuttiaq
	ERM (TMAC)	Kent Gustavson	Ayuittiaqhimayuq	-
	Sabina	Jason Prno	Nunallaaniliqidjutinut Uqaudjaui	-
	Sabina	Matthew Pickard	Tugliuyuk Anggiyukqaamut	-
	Nunavut Resources Corp	Patrick Duxbury	Uqaudji	-
GoC	AANDC	David Abernathy	Inuuhinut Pianggaiyavikhanut Ayuittiaqhimayuq	Iqaluit
Hamlets	Iqaluktuuttiaq	Marla Limosin	Hamalatmi Atan'nguyaq	Iqaluktuuttiaq
	Iqaluktuuttiaq	Jim MacEachern	Tugliuyuq Hamalatmi Atan'nguyamut	Iqaluktuuttiaq
	Iqaluktuuttiaq	Priscilla Nordstrom	Hamalatmi Inuulrammiinut Kivraqtuiyi	Iqaluktuuttiaq
	Gjoa Haven	-	-	-

	Kugaaruk	Stephane Inaksajak	Maiya	Kugaaruk
	Kugluktuk	-	-	-
	Taloyoak	Joe Ashevak	Maiya	Taloyoak
	Taloyoak	Marzena Banks	Maniliurnahuarnirmun Havakti	Taloyoak
RIA	KIA	Derek Elias	Havaakhaliurnahuarnirmun Havakti	Iqaluktuuttiaq
	KIA	John Roesch	Atan'nguyalluaq Havaamut	Kugluktuk
	KIA	Michelle Buchan	Atan'nguyaq, Inuit Havaakhainnut Ilihaivikhainnutlu	Iqaluktuuttiaq
Aadlat Ilauyumayut Tigunmidjuti qaqtut	CHARS/Polar Knowledge	David LeBlanc	Ayuittiaqhimayuq	Iqaluktuuttiaq
	CHARS/Polar Knowledge	Alain Leclair	Aulapkaiyi Kangiqhittiarnahuarnirmun Qaritauviliqinikkutlu	Iqaluktuuttiaq
Qun'ngiaktut	NIRB	Kelli Gillard	Atan'nguyaq, Havaamut Munaqhiyuq	Iqaluktuuttiaq
	NIRB	Davin St. Pierre	Qaritauyaliqidjutinut Uqaudjauyi	Iqaluktuuttiaq

2.2 NAITTUMIK TITIRARHIMAYUT KATIMADJUTIT

Malikhugu Nunavut Kavamanga kangiqhipkaidjutaa qanuriliurningalu SEMC kut, tamainnik ikayuutigiyayut pivallivikhait qanuriliqidjutikhanut Kitikmeoni atulihaaqtumi uqiungganni naalapkaqtitauvaktuq. Ilaliutiplutiklu naunaitkutikhanik qinikhianikkut havaanggit taapkunaniklu havaagiyauliqituni talvani avatiliqidjutini ihivriungninggaitni. Havaktut Nunavut Kavamaninni (GN mik taivagaat) talvani tunihiyut naunaitkutigiainnik havaagiyainniklu inuuhinut pianggaiyainirmun munariyaqaqtut avatiliqidjutiniklu ihivriungninggit tamaaani pinggahuni avikturviitni Nunavunmi.

Kavamatkut katimakvikyuangganni pipkaiyuq aadlatkiiqnik havakviitnik kivraqtuiyutlu kavamanut kangiqhipkaiplutik ihumagiyainnik piumayainnik pidjutiqaqtunik nauhimayunik nunamin pivallivikhainnik, ilitturipkainikkutlu ihuaqtunik hulidjutikhat piumaniagungnakhiyainnik katimayiyimut. Ilinniaqnik ilihainiklu pivikhait piinnariaqaqtut Havakvianit Ilinniaqtluriiyitkut Nunavut Ilihakpaalirviatlulu (NAC mik naunaittuq) pidjutihimayut nakuuhivallivikhainnut inmi inuup inuuhirittiaqvikhait, havaanunutlu havaakhait ayuikhaqlgit. Talvalu, Kitikmeot Inuit Katimayiita pivikhaqaqtuq ilihavikhamik nunagiyamingnik pivikhaqariamingnik tamainnut Kitikmeoni. Ilihaivikhat ikayuutigiyayutlu piutait tunihiyuq nunaqaqtunut Kitikmeoni ihuaqutivikhainnik pittiaqpiaglugitlu havaatigut ikayuutikhat naammagilugitlu inuuhinut pianggaiyaidjutikhait talvanga hivuni uyararhiurnikkut havaanggitnit.

TMAC kut tunihiyut uplumimut hulidjutainnik Hope Bay mi 2015 minlu 2016 milu kititiqhimayunik nalvaaqtainnik talvanga ukiuq tamaat Doris North Inuuhinut Pianggaiyainirmun Munarinikkut Pivinggannit, ilaliutihimayutlu nalunaitkutigiayayunik havaatigut, maniliurnikkut, ilinniaqnikkut ilihainikkutlu havakviuplu akiliqtuivikhadjutikhaivikhaqagumiklu. Katimayiita ihivriupagait tamaita nalunaitkutigiayayut ittuni SEMP mi ilitturinggittut anggiyunik ihumagiyayunik ilaudjutilluanggitkaluaqhutik inuuhinut pianggaiyainnikkut aktungnaktunik Doris North Havaangganni tahapkunaniluunnit qanitqianut nunallaanut talvuuna mikhaatigun, kihimi takunnaktuq nakuuyunik pidjutivaktut talvanga Havaamit.

Sabinatkut tunihiyut uplumimut qanurilidjutainnik Hanigayup Havaangganni. June 2016 mi, NIRB kut pitquyut havaamitigun uyararhiuqtiit Hanigayukmi havaqunggitait hadja kaffiungmatta ihumagiyangmagit, talvallaqli ayukhautigittaagungnakhiyut tuktut apquhinngitnut. Hadja havakviuvikhaq utaqquqtut Ministani ihivriuvikhainnik anggirunmiklu havaffaaqtinnatik. Hanigayuk piqanggittut piliuqhimaqanggittut Inuuhinut Pianggaiyautikkut Munaqhinirmut Havaanggannut hadja, kihimi Sabina kut nalaapkaiyut katimayimut uukuutimingnik inikhimanggittumik SEMP mik atuqtauyukhamik havaliiqqata uyararhiuqvianni havaakhaq anggiktauqpat. Amigaittut ilayut katimayiyimi quviahuutigiyaaat havakviata havangniaqtaannik inuuhinut pianggaiyainnikkut munariyarnikkut havakhimmaangniaqtutlu havaagiyakhaq piqaliqlutik inikhimayumik munariyakhamik piutaannik pidjutiqaqluni tamainnik inuuhinut pianggaiyainnikkut ihumagiyainnik hivulliutigilluaqtakhainniklu.

Qurluqtuaryuq Apqutikhanga Tuluqtaqvikhangalu Havaanga illitturipkaqtdjutigiyaat Katimayiyimut. Atauhiinnaunggittuq havaagiyaat kihimi havaagiyauyuq Kitikmeot Inuit Katimayit Nunavut Kavamangalu. Una Havaagiyaakhaq pilihaaliqtaat Avatiliqinikkut Aktuqtaunikut Ihiuvriungninganik EIS mik taivagaat ihivriupakhutik ahiqpani uplumimutlu piliqhutik aullaqtigutikhainnik havaami. Ihivriungninga avatiliqinikkut piniaqtait 2017 min 2019 mut.

Katimadjutikhaq aadjikkuhikpagaat Qikiqtaaluktut Kivalliqmilu Inuuhinut Pianggaiyautikkut Munaqhinirmut Katimayit katimadjutainni ihumagilluagiplugit Nunallaanit ihumagiyaainnik uqagivagainnik. Imaatun katimadjutimi piundayavaktuq kinggunggingani katimavakpakhutik SEMC kut, pipkaiplunilu uqaqtauyukhanik ihumagiyaayunik, qanuqlu hivuumuqtukhat. Ilauyut katimayiyini ilaudjutivaktuq ihumagilluaqtauyunik uqagivaktainniklu katimatillutik naalapkaiyavakhutik hamalatkunni ilauyut ihumagiyaainnik inuuhinut pianggaiyautikkut aadlangguktunik avikturviinni.

Ilangginni 2.3.1. mi uumani titiraqmi naunaiqhimayuq tuhaqtitaayunik uqagiyaainniklu pidjutigiplugit GN kut KIA kutlu. Ilangginni 2.3.2 mi naunaiqhimayuq uqagiyaainniklu nunallaat uqaqvikhaqtauplutik ilangginilu 2.3.3. mi pivikhaqahuni Havakvikyuani uplumimut qanuriliurmanggaagitnik inuuhinutlu pianggaiyautikkut munariyangnikkut iniktigutainnik.

2.3.1 QUN'NGIAKTITTIYUT UQAGIYAITLU

Kavamatkut Katimadjutaa

Nunavut Kavamanga, Ilinniaqtuliriyitkut, uqaqtiuyuq Catherine Keeling – Atan'nguyaq Sikuuqviitnut, Kugluktuk

Ilihaktut iniktiriyut Kitikmeoni aadjikkiingnguvaktuq qaffini uqiuni. Atauttimut ilihaqtut inuqangniat Kitikmeoni 1,880 nguyut ilihaqtut amigaivyatqiat 2015 min (1,872) nguvakhutik. Niriuriyauyuq ilihaqtut iniktiriyut amigaivyatqiangnguliqhunilu talvomit 2015 2016 sikuugutaannit 34 nguplutik iniktigtut imaittunngangniagungnaqhiyuqlu 34 nik iniktigtukhanik 49 nik 2016 2017 uqiungganni.

Kitikmeot Sikuuqviitnut Aulavikhait (KSO mik taivagait) Qauyimanahuarnirmun, Qaritauyaviliqinikkut, Titirauyarnirmunlu Iglukpakhanut Kititirinirmunlu (STEM mik naittumik taivagaat) upalunggainahuaqhugit ilihaqtut ihuaqtikhainik hivuni havaani akhuuqhahiyuni maniliurnirmun. Malikhugu Inuit Qauyimayatuqangit ilinniarnirmun havaanggit, ilihagutikhat piyauhivavaktut ihuagiyaunahuaqhugu havaaqhanut avikturviimi uyararhiurnikkut maniliurnahuarnirmunlu.

Aadlattaug ilihagutikhaq KSO piliuqhimayaat Qauyinahuarnirmun Kitikmeot Inuulrammiinut Ilihaiyinut (SKYE mik taivagaat). Una iliharut pipkaivaktuq ilihagtunut ilihariamingnik Pitquhitigut piplutik talvuuna Uplumimut Qauyihaidjutikhanut.

Ilihaidjutauyuq ahiqpaninunggauplutik nunallaamit iqatigiplugit Inirnikhat Inuulrammiitlu ilauplutik ayuiqhahkutik algainnaqmingnik qauyimatjutinik hulivikhainnut. Ilihaqtut ilaliutigiyaaat ayuiqhaktait ilaliutiplugu qauyimatqianahuaqhutik akimanahuaqhutik aadlanit ilauyunit ilitturipkaiplutiklu nalvaaqtainnik. Una iliharut pitquyait iliaqtut atuquplugit aadlatkiiqnik ayuikhautikhainik, ihumaliuqtiaquplugit nalvaaqtittiniahuaqhugitlu hunavalurnik, nutaaniklu uuktuquplugit kiuviqattarnirmunlu. Una havaagiyakhaq piyauyukhaq iniktirumik nukaqhiit ilihakvianit, pipkaiplunilu iliaqtunut niriuquplugit atuquplugitlu ilihaidjutigiyayut aturiamingnik hivuni ilihaffaagumagumik havangnahuagumagumikluunniit.

Ilanggit ihumagiyayut Ilinniaqtluriiyitkut tuhaqtipkaingmatta uqauhikkut pivallivikhait atuqtauvikhatlu sikuuqviiitni. Ikitpallaangmatta Inuktitukkuqtittinahaqtukhanik Inuinnaqtunlu ikayuutikhainnik iliaqtikhaniklu ihumaalungnaktuugaluaq nunallaamut. Kitikmiutat ihumaaluutigivaktaat tammakniangnahugiplugu uqauhikput takuyumayutlu ikayuutikhanik iliaqtikhaniklu iliniaqviitni ayuiqhautinahaqtunik Inuktitut talvallaqli Inuinnaqtun. Havakvik hadja ihivriutut malruungnik iliaivikhadjutikhanik.

Nunavut Ilihaqpaalirviatni (NAC mik taiyauvaktut), uqaqtiuyuq Fiona Buchan-Corey – Ilinniaqvingmi Atan'nguyaq, Iqaluktuuttiaq

Avikturviinmi uuktuqtut ilihagumayut 2016 mi amigaitqiyayut 2015 min amigaitqiyauplunilu ilitturiyaat Nunavut Ilihaqpaalirvianga. Kitikmeoni, 89 nguyut iliaqtut atulihaaliqtumi uqiumi, 77 nguyut hadja iliaqtut. Hadja 490 nguyut iliaqvingmi iliaqtut siksini aadlatkiiqni ilihagutini taapkunani Titiqqiviliqidjutini, Ikayuuhiarnikkut, Iganirmun, Havaagiktunilu Ilihaliaaliqtitauplutik, Iniktirumayunutlu Ilihagutininik, Avatiliqidjutiniklu Ilihaqpakhutik. Amigaingnia nampait iliaqtut takunnaqtuq nakuuqppiaqtuq avikturviinmut ilitturipkaidjutauplunilu nunaqatigiik inmi ayuiqhagumaplutik pivaktut ayuigumaplugit havaakhat havaani pittaalaqiyaaamilu uuktugiamingniklu hivuni havaani. Aadlatkiiqniklu naittunik ilihagutiqaqhutik Nunallaami Ilihagutikhainnik, Munaqhitkut Uqaqtikhainik Ilihaivia, Aimavingmi Munariyauhimmatauyukhanutlu Ilihaivikhaqaqhutik (Inungmut Munariyanikkut, Aanniaginnaktunik Munariyayuniklu Puiguqtaalaqiyuniklu), ASIST Ilihaigutaa,

Nunavut Ilihaqpaalirviatni havaktiit quviahuktut amigainmatta ilihagumayut iliaqtitauliqtutlu, kihimi inikhaqaqtuq huli nakuuhivallidjutikhamun. Nampait iliaqtitaunggittut amigaitpallaangmatta ayukhautigiyayut aktungnaqhutik. Aktungnaktut taapkuat maniliqidjutikhainnut, iniinmatta igluqhainnik, munariyaqangginmatta nutaqqamingnut, ikitpallaagtutlu upalunggaiyaidjutikhaini ilihariami, ilanggitlu aipagiik ilaitluunniit qimaktauvangmatta nunamingni.

NAC kut havaligtut uqauhikkut utiqtiffaangnahuaqhugu, kihimi ayuqhautiqangmantaug. Hivunikhaq uqauhikkut atuquhimmartittinahaqhugu Inuinnaqtun Kitikmeoni;kihimi maniliqidjutit ayukhautigivaktut nalvaaqhinnirmun iliahiyikhanik hakugiktut uqauhikkut iliaqtaaqutuniklu. Tamainni, amigaittut ilauyumainnaqtut kihimi ilihagumanggittutiklu. Ihumaalurnaqtuq taimaatun tammaqtailiplugu uqauhiat Inuinnaqtun Kitikmeoni.

Kitikmeot Inuit Katimayiita, uqaqtiuyuq Michelle Buchan- Atan'nguyaq, Inuit Havaaliqidjutikhainnut Ilihainirmunlu

KIA kut tunihiyut havaaliqidjutikhainnut ilihavikhainnutlu uuktuinnariaqaqtunik avikturvianni. Ilihavikhaq nakuuqpiqaqtumik pidjutaavaktuq tamaini ikayuqhugit maniliqidjutinik ikayuqhugitlu ikayuqatigiqaqkhunilu amigaittuni ilihavikhanik taapkunanai: Qangihipkainirmun Uyararhiuqtuni Ataani Nunaup, Havakvikyuami Aanniqtalinirmun, Mikiyuni Ingniqutinnuani Havaktauyukhani, Ikuutaqtiit Ikayuqtiuvikhat, Uyararhiuqvirmi Ikayuutikhat amigaittutlu aadlat. Hapkuat ilihagutikhat pipkaiyuq Inungnut Kitikmeoni ilihavikhainik atuqtakhamingniklu havaani nunamingni. Ilitturihimalutin NAC kut tuhaqtipkainiani, ayukhautiqyuaqpaktuq taamna ilihariami ilihairiamilu qimangniq ilait ahinunggaupluni ilihariaqtuqtut.

Ihumagiyauyuqlu inikhaiqpangmat ilihaqtuqvikhanik. Ilanggit nunallaat iniaqtuugaluit anggiyunut ilihagutikhanut, mikiyutlu nunallaani pivikhaqanggitutik ilihagtitauvikhanut (ilinniaqviinnaqmi titiraqvikhamik haniraani ilihagtitaaqtuq ilihagtilimaittuniluunniit). Ilanggit ilaliutihimayuqtauq maniliqidjutit ilihagtiqaqqattaluunniit.

Kanatian Ukiutaqtumi Qauyihimanuaqvia – Polar Knowledge Kanata, uqaqtiuyuq Dwayne Beattie Crystal Qaumariaq

Nappaqtirinia CHARS kut aullaqtiqtaat 2014 mi iniktirniaqtaatlu 2017 mi. Iglupaa pipkainiaqtuq Polar Knowledge Kanatamun havaktikhanik aadlaniklu Ukiuqtaqtumi qauyimanuaqvikhainnik ukiuraaluq ihivriutlutik, tunihidjutiyut taimaatun Kanatap Kavamainnut Ukiuqtaqtumi Ihumaliutqiktaqhamik. Polar Knowledge Kanata ilitturiyut katitihimayut avatiliqidjutivikhainnut naunaitkutinik atuqtaulutik ilitturipkaiyaami pivallivikhanik ukiuqtaqtumi. Qauyihimanahuaqtut anggiyuamik ilaupkadjutiaqqtut avataamiyunut nunallaanut piplutiklu qinikhiaplutik iniaqqtuni nappaqtirinirmun hulivikhait auyami pidjutihimayuni auyami 2016 mi.

AVIKTURVIINNUT INUUHINUT PIANGGAIYAUTIKKUT MUNAQHINIQ

Nunavut Havakvia Kititirinirmun, uqaqtiuyuq Ryan Mazan – Atan'nguyalluaq/Ukiuqtaqtumi Avikturviinnut Kititirilluaq

Ikayugiami munaqhinirmun avikturviinnut inuuhinut pianggaiyautikkut aadlanggunnia, Nunavut Havakvia Kititirinirmun tunihiyuq kavamaita katititainnik inuuhinut pianggaiyautikkut naunaitkutainnik 2015 mi 2016 milu. Inikyuaqhimayumik ilaliutihimayuq haffumamut titiqqamut tamainni inuuhinut pianggaiyautikkut kititihimayunik Nunavut nunallaanik (Ilanga B). Ataani ittut naittunik ilitturidjutinik uqagivaktat katimayiimut:

Inuqarniat:

2016 mi Kitimeoni amigaiyvaktut inuqarniat (6,822 nguyut 2015 mi 6,900 2016) tamaini nunallaani. Kihiani, Kitikmeot kayumiittumik inuqarnia pivaktuq tamainit avikturviitnit

Nunavunmi. Iqaluktuuttiaq amigaitqiaq inungnik (1,746), Kugluktuk (1,610), Uqhuktuuq (1,405), Taloyoak (1,076) Kuugaaruklu (972).

Ilinniaqnikkut:

Tamaita nunallaat Kitikmeot talvamilluaq Iqaluktuuttiamit Kugaarukminlu ikitqiyauvaktut ilihagutainnik (13) Kugaaruktauq (7) Uqhuktuuq (6) Iqaluktuuttiaq(4), Taloyoaklu (1). Iniktiqtunik naunaitkutaa ikitqiyavaktut 26.8 pusanmik 2014 mi 24.9 pusanmut 2015 mi kihimi tamaani Nunavunmi kiklinga (33.7 pusannguvaktuq). Ilitturihimayukhaq ilihagutut iniktiqtunik naunaitkutaa pidjutiqanggitpaktuq ilangginni ilinniagutini ilaani nunaqaqtiit ilihariaqtuffaakpangmatta inirninggukhutik ilitariyaunggittutiklu kititiriyini.

Munaqhiliqidjutinut:

Nunallaani munaqhiliaqpaktut amigaitqianik pivaktut tamaini nunallaani 2013 min 2014 mut. Ilauyuq uqaqtuq inuqarnia amigaillakpiagutiungnaqhimik.

Akiliuhiangnikkut:

Qitqani akiliuhiangnikkut havaani ikitqiangnguktuq Ughuqtuumi Kugluktumilu, amigaitqianggupluni Iqaluktuuttiami Taloyoamilu aadlanggunggittuqlu Kugaarukmi. Qitqani akiliuhiangnikkut havaani taitai amigaitqiyauvaktuq Iqaluktuuttiami amigaitqiyauvaktut havaakhat kavamani talvani. Pusannga taksiutiviliqivaktut havaani akiliuhiangnikkut ikitqiangvaktut tamaini nunallaani tamanilu Kitikmeoni. Amigaitut aadlatkiiq naunaitkutigiyaayut pidjutigittaaqtut kititirinirmun taapkuatut inuqarnia ukiut akiliuhiatigutluunnit aadlanggungniat, kihimi ilitturidjutyuq amigaingnia ilangginni Kitikmeoni manikhaakhat pinggittut havaakktut. SEMC kut pidjutihimmaangniaqtut naunaiqlugit kititirinirmun uyarhiurnikkut havakyualiqqata havaakhaqaqyualigumik Kitikmeoni.

Ihuinaangnikkut:

Atauttimun ihuinaangnikkut nampait talvunamut 100,000 inungnut amigaitqiyauliqtuq tamainni nunallaani Kuglukuunggittuq kihimi. Iqaluktuuttiaq amigaitqiangnguvaktuq ihuinaaqtuqaqtunik talvunamut 100,000 inungnut Kugaaruk ikitqiangngupluni. Ilauyuq katimayiimi ilitturipkaiyuq ilanggit ihuinaaliqidjutit ilaliutivaktut kitumut ayukhautigiyaudjutimut. Imaakaffuk, amigaikpallaangmatta ihuinaaqtut 2012 mi Iqaluktuuttiami talvainnakmi ukiumi piqaliktut talvunggakguhaaqtumik Palihimamik.

2.3.2 NUNALLAAMI KATIMAKYUANGA UQAGIYAITLU

Kitikmeot 2016 SEMC katimadjutimi ilauviqaqpaktut pinggahunik talimani nunallaanit ilaayut: Taloyoak, Iqaluktuuttiaq Kugaaruklu.

Iqaluktuuttiaq, uqaqtiyuq Marla Limosin, Hamalatkunni Atan'nguyaq

Iqaluktuuttiaq manikhaqtitauyut \$460 miliantaalamik amigairiami maniliurnahuarnirmun pulaangnirmunlu nunallaami. Amigaikpiaqhutiklu pulaaktut ummiakkut aliahukpiaqhutiklu mikhanik hanauyaniklu pulaaktillutik nunallaamut, ilitquhitikkut apkuliurniaqhimagayutlu nunallaami utuqqangngayumut Kapaniugaluangmut aadlanilu iglugilluaqtauvaktuni hivuni. Amigaikyudjutiniagungnaqhiyut pulaaqtakhanik talvuuna mikhaatigut havaaqaqtittiniaqtuqlu nunallaami.

Nunallaaq, piumayut uyarhiurnikkut maniliurnirmunlu Kitikmeoni. Maniliurnahuarnirmun, amigaingniagutiniaqtuq inuqarniatigun. Hivuni takudjutiyut Iqaluktuuttiami amigaingniagungnaqhiyuq 200 nik 2018 nguliqqat (CHARS havakvia pidjutiniangmat). Atukhugit nalaudjutikhat, Hamalatkut ikivalliavagait iglukpakhanut aktilaanggit inikhait amigaigiami nappaktigutikhat. Talvuuna ikiqliniaqtut niuviktukhanik nanminiqaqtukhanik iglunik.

2017 attiqtauyuq “Inuulrammiit Ukiunga” Iqaluktuuttiami. Ilauyukhaungmatta inuulrammiit nunallaami ihumaliurnikkut, Hamalatkutlu akiliqtuinaqtaut ilauyukhanik katimayiyikhanik hamalatkut katimaviani uqaqtulutik inuulrammiit ihumagiyaainnik. Iqaluktuuttiaq ilihaipkainiaqtutlu hivuliqtikhanik inuulrammiinnut nakuuyumik hivuni pidjutiyaangginni ihumaliurnikkut. Inuulramik ilauyuq SEMCD katimadjutaani uqaqtuq taamna nakuuqpiyaqtumik pidjutiyut uyararhiungnitigut nanminiitlu havakviit havaqatigiyauyaangginni inuulrammiit ikayuqlugitlu ilihakviat ilinniaqnikkut ilihagutikhat piqariami ilihavikhakkut havaktitauyaangginni nunaqaqtunik. Ilaudjutiyaami inuulramik, pitqudjutiyuq akhuuqhaidjutaupluni inuulrammiinnut.

Kugaaruk- Uqaqtiuyuq Stephane Inaksajak, Maiya

Nutaaq Hamalatkut iglukpaa titirauyakhimaliqtuq tuniyaupluni Hamalatkunnut pidjutigiplugit nappaktiriiyt. Ihumagiyaatlu aktilaangnga anggivallaanggittuni inuqarniatigun ihumaliuqhimadjutaanutlu inuqarnia hivuni. Katimaviani inikhaqaqtuq 470 inungnik inuqarnialu 975 ngupluni amigailiqhunilu. Una ihumagiyauyuq ilitturiyaungmat upalunggaiyaiyinuq, uqaqtauyut piyakhaat titirauyarnia iglukpak nutaamik pilimainniangmatta iglukpakhamik. Hamalatkut uqagumayut upalunggaiyainirmun hivuni piqalimaittaanggat ayukhautinik taapkuatut hivuni.

Uqangniit pidjutiyuq taamna Hamalat utuqqangnguyyuq iglukpaa GN kut pipkainianggittut piluqyuqlugu. Talvali, Hamalatkut akiliqtuinaqtut malruungnik Hamalatkut iglukpainnik atauhiinnaqlu inuqarniaqhuni. Uqaqtidjutiyuq Fiona-Buchan-Corey (NAC kunnit) Maiyalu uqaqhutik pivikhanik atuqtaaqutunik atuqlutik utuqqangnguyyuq Hamalatkut iglukpaa ilihaidjutivikhanik ilihaipkailutik talvani Ilihakpaalirviitnik. Fiona naunaingniaqtuq talvuuna ilitturipkailunilu.

Taloyoak- Uqaqtiuyuq Joe Ashevak, Maiya

Ilauyut nunallaami ayukhaliqtut avipkaqtitauvangmatta ilagiiktunik ilihariaqtuqtunik. Ikitpallaangmatta ikayuutikhat, ilanggit Talokyuangmiutat qimakpagait ilait ilihariaqtitauyaangginnik havaaqariamngnik. Hamalatkut piumayut ilihavikhanik

ilinniaqtauyukhanik nunamingni. Taloyoak takuliqtutlu havaaniktitaulluaggitut nunamingnit talvami aadlat nunallaat. Pidjutiungnakhuyuq ilihagutit ikitpallaangmata ilihavikhaniklu ihumagiyauyut qimaktitauyut ilagiiktut.

Nutaaq iglukpak milvingmi nappaktirinia aullaqtiktuq auyami. Alappaangnaqhilirmat, nappaktiriyut aullaktut ukiunggunmat uqaqhutik utiffaangniaqtut upin'ngakhami. Hamalatkut uqaqtitaunggitut upalunggaiyaudjutigiyauyuq nappaktirinahualirmatta, havaniangnahugiyauplutiklu ukiumi. Tuulliigutiniaqtuq iniktirutikhaannut ubluangga. Hamalatkut illitturipkaiyauyumayut iglukhanik upalunggaiyaudjutigiyaunuk hivuni.

2.3.3 HAVAKVIKYUAMI UPLUMIMUT KANGIQHIDJUT

Sabina Gold & Silver Corp., uqaqtiuyuq Matthew Pickard – Tugliuyuq Anggiyuqqaamut, Avatiliqidjutinut Pivikhaqahimaangnikvikhamunlu

Sabina Uyararhiuqviit Vanouwer mi atan'nguyat havakvia ittuq gold miklu pinahuaqhimmaaqtut. Nanminiuyuq havagilluagumayaat Hannigayukmi Havaakhaat uataani ittuq Kinggaup. Qiniqhiavaktut uvani 1982 aadlatkiiqniklu nanminigivaktaat Sabinatkutlu nanminigiuplutik 2009mi. Sabina tunihiyut Inikhimayumik Avatiliqidjutikkut Aktuqtauniit Titiraannik Nuvaippa 2015 mi Juun milu 2016 NIRB kut pitquyut havaatigut havaqunggitaitlu aktuqtaunaqhiyaungmat tuktut apkuhinggiitnut. Sabina hadja utaqqiuktut Ministamin ihivriugutiyaami ihumaliuqlunilu.

Uuktuqtauyuq Hannigayukmi havaakhaq amigaittumik pivikhaqaqhuni inuuhinut pianggaiyautikkut. Sabina havaktikhakhiurniaqtut Kitikmeot nunallaanggitni ilihaipkailutiklu ukiuqtaqtumi havaktikhat ayuiqhariamingnik ayuittiaqtut havaangitnik. Uvalu, kaantraliqiyit nanminiitlu pivikhaqaqtittilutik pilluaqlugit Kitikmeoni ittuni Nunavunmiunilu kampaniit. Hannigayukmi Havaakhaa anggiktauqpat, 650 nguyungnaqhiyut havaakhat hitamani nappaktiriligumik, 800 nguyungnaqhiutlu havaakhat qulini ukiumi aulavikhanut. Hapkuat nampait nalautluaggitut ukiuq tamaat aadlanggukniagungnaqhiyutlu ~350 havaktikhanik havakyaaliqqata nappaktiliqqatta aulaliqqatalu.

TMAC Resources, uqaqtiuyuq Alex Buchan – Atan'nguyalluaq Ahini Nunallaanilu Pivikhadjutikhat TMAC kunnit, Kent Gustavson lu– Uqaudjiuyi ERMni

Miramar Uyararhiuqtiit tuniyauyut havaamut naunaitkutimik Doris North Gold Uyararhiuqtiit Havaakhaanik 2006 mi niuviktautinnatik Havaagiyakhaq Newmont mut 2007 mi. Newmont kut ihuaqhaktaat havaavikhaq pidjutinggittaatu talvainnaqmi pitinnatik nutaami iglukpamik ihuaqhaivikhamik Havaaq munariyautinnani 2011 mi. Havakvikhaq pivalliadjutigiyaat TMAC kut 2013 mi, anggiktaulihaaqhutik Doris North Havakviani munariyauvikhatigut talvulluaq havakvikyuaqliqhutikluuaq aullaqtirutiplutik gold nik atulihaaliqtilluni 2017 mi. Nalaunggidjutiqanggittuq aulayukhanik havaktikhanik Doris North mi 344 inungnik 2018 atuliqqat, atauttimut nalaunggittumik havaktikhanik

piqaliqlutik 4,450 inungnik 444 nguplutik Nunavunmiutanik. Inuit Havaani Tikiutiyakhat naunaingniaqtut KIA kunnit.

TMAC pivallialiqtaat hadja Doris North Havaanga, pidjutillutik avatiliqidjutinut aktuqtauniitigun ihivriugunmik (EIA) NIRB kunnit anggiyuamik pivalliyaangginik Hope Bay Havakviani talvanilu Madrid Bostonmi uyaraqaqtuni. 2016 mi NIRB kut anggiktaat Avatiliqidjutikkut Ihivriungnirmun Titiraqmik havariamingnik malruungnit ukiuni 6 nut. Type A Imarmut Laisiutikhamik ihuaqhaffaaqtauyuuq anggiktaupluni Ihivriugutikhamik Imarmik Laisikhaanik Madrid uyararhiuqvianni ikayuutigiyakhaanik hivuni uyararhiuqviat upalunggaiyailiqqatta. Uuktuuta Madrid Anggivaliavikhaanik Qinikhianirmun Pivikhaa aturniaqtaat Doris havakvianga piyaami Madrid ataani uyararhiuqlutik malruungni iniaqqtuni. NWB kiut havaagiliqtaat uuktuuta. Uyararhiuqvingmi pivalliavikhaq aulavikhaatlu Madrid mi (Tunungani Uataanilu) Boston mi ilaliutiyauniaqtuq Havaakhaani 2 nutaami EIA mik piyukhat malikhugu NIRB kut havaagiyakhait. Upalunggaiyainik Inikhimanggittunik EIS hadja piliqtut.

TMAC kut munariyakhait qanurilidjutinggit Doris North Havakviani inuuhinut pianggaiyautikkut talvani. Iniktauhimaliqtuq talvuuna Doris North SEMP tigut piyauhimagumi 2007 mi, ihuaqhaktauffaaqhimapluni munariyatigut hivulliutigiyayut pidjutiplugit Kitikmeot SEMC kut aadlatlu havaktiit. TMAC kut tunihiyut pilihaaqtumik naunaitkutunik 2016 ukiuq tamaat titiraannik. Ataani naittunik titirarhimayut tuniyauhimagunik iniktiqhimayunik. Atauttimik titiraqmik piinnariaqtaut SEMC kut qaritauyakkuugutaanni.

Munaqhiliqidjutinut

Amigaivyaktuugaluit aanniqtut munaqhiliagutivaktut talvuunaluttauq inuliriyikkutlu takuvakhugit (malruuq aanniqtut uplumimut 2016 mi) talvuuna pidjutivaktuq hulivikhaqaqyuaqpallaangnikkut pivaktut. Tamaini, Havaami pidjuaqvikhaittuq munaqhiliqidjutinut nunallaani Kitikmeoni Havaatigut pidjutiqlutik qilamiugutauvaktunik.

Nunallaami Inuuhiritittiarnahuarnirmun Inuliriyitikkutlu

Inuqarnia amigaingnia pidjutivaktuq amigaittuni taapkuat inuuyutigut (inuulihaaqtut huiqtutlu) ahini nunaqaliqtutlu. Kitikmeoni, amigaingnia pidjutivalluaqpaktuq amigaittuni inuuyunik huiqhimayunut ahinilu nunaqaqhimaliqhutik. Inuqarnia amigaingnia Kitikmeoni nalunaktuq 2015 mi kihimi nakuuhivalliyut uqiuni kinggulliitni (2 pusan amigainia inuqarnia avikturviinmi). Ihumagiplugu amigaingnia Havaatigut hulidjutikhanut 2014 2015 milu inuqarnia amigaingnia iinnaktuq huli Havaamilu pidjutiginggittuq amigaingniatigun inungnik.

Havaami havaktiit nuutirgittut aadlanut nunallaanut Kitikmeoni. TMAC kut havaktikhaqhiuginnaktut Kitikmeoni ahinilu. Atukpakkamik tingmidjutikhainnaqmik humilikiaq nunaqaqtuq havaktuq pidjutinggittut havaatigut qanurinmanggaatigut.

Havaakkut

Nampait havaktut amigaikyuummiktut 2015 min 2016 mut piliqhutiklu havakyuangnikkut. Inilirmat 2016, inikhaiqpalliavaktuq 162 havaktiqaqhutik amigaitqialu 533 nik (kaantraaktittiyitlu), 12.5 pusan havaktiit Inuinnauyut atauttimun inup ubluit havakpaktut. Atauttimut Inuinnait havaangit amigaikyuummiktukhat hivuni ukiuni Doris uyararhiuqviat havakpiaqtauligumi 2017 mi.

Avatqulihugu arnat havaktut 2013mi Kanatian uyararhiuqtiit piqaqpaktut, TMAC kut arnainnarnik havaktiit ikitqianguvaktut 2015 mi 8.1 pusan 2016 milu ikitqianguvalliaqhutik 7 pusanmik atauttimut inup ubluit havakpaktut. Kihiani, TMAC kut niriuqtut havaktittiumayut amigaittunik arnanik Havaakhaq hivumuuqtilugum.

Maniliurnirmun

Amigaingnia hulidjutikhat havakvingmi pipkaiyuq havaktikhanik imaalu amigaitqialiqhunilu akiliuhiakhanut atulihaaqtuni uqiuni. 2016 mi, atauttimut TMAC kut akiliuhiaqtakhait \$5.2 miliantaalauvaktuq ikitqiangngupluni 2015 min \$6.1 miliantaala. 2016 mi amigaitqiyauvangmatta kaantraaktittiyauyut havakvingmi nappaktilhaaliqhutik, ilaliutiplitiklu atauttimut Havaami akiliuhiakhanut takudjutivaktut kaantraaktittiyikkut. Atauttimut TMAC kut akiliuhiakhait niriugiyauyuq amigaingniaqtuq 2017 mi aullaqtilihaangniangmatta.

Atauttimut akiliuhiakhat Kitikmeotanut amigaitqiyauyuq \$602,000 taala 2015 mi talvunamut \$707,000 taalamik 2016 mi. Atauttimut tuniyauyut akittugiyauniaqtut titiqqamit ilaliutiqangmat kaantraanik, kaantraat amigaingniarmatta havaktukhanik havakvingmi. Saptaippamut 2016 mi, TMAC kut iliuraqtut maningnik \$33.7 miliantaalamik kaantraaktitauyunut Kitikmeot Havaktaaqut Nanminiriyauyut talvalu \$5.4 miliantaala aadlanut Inuinnait nanminigiyainnik. Takudjutiuyuq 34 pusanmik atauttimut kaantraaktitauyunik (pidjutinggittugitlu processing havakviani uqhuryuatlu akikhainnik) 31 pusanlu amigaingnia 2015 mi.

Ilinniaqnirmun Ilihaitigutlu

Maningnik ilihaktukhanut ilihavikyuani aittuqtaunggittut TMAC kunnit talvamit 2013. Kihiani, ilaudjutaungmat IIBA kutigut, TMAC kut piliurniaqtut Ilinniaqnikkut Ilihaivikhanutlu Tutquumaviannik 2017 mi ikayuutikhainik ilihariaqtuffaaqtukhanut. Ilihaiyut havaami amigaikyuummiktut 2013 min pidjutiplitik amigaingnia havaatigut havakvingmi. 362 havaktiit ilihaititauvaktut anggiyuni akhaluutikpakyuani, 749 ilihavakhutik aanniqtalinirmun 60 nguyutlu ilihavakhutik ataani nunami uyararhiurnikkut pidjutiplitik anggiyuamik amigaingnia 2015 mit.

2.3.4 SEMC KUT QANURILIURNIAQTUT HAVAANGA UPALUNGGAIYAJUTAATA

Ataani ittuq naunaiyaut pidjutigiplugit uqariyauyut tamaani SEMC katimadjutaani pitquvangmat hulidjutikhainnut. Taimaatun pidjutiuyuq naunaiyairiami itquumadjutainnik SEMC kunnit ilauyunit talvani itillutik malruungni ubluni katimadjutainni. Ihumagiyauyut

uqariyaunggittut ihivriuqtauyukhat itquumagiyaainnik piliuqtait SEMC kut.
Ihivriuqtauyukhat uqagiyaunggitut katimaffaaligupta uqagiyaayaanginnik
ihumaliuqtauyukhanik hivumuuriami

Item	Organization(s)	Timeframe
Tuniqhailutik ilauvaktunik katimadjutikhaaniklu katimatinnatik	GN - EDT	Atauhirmi malruungniluunniit tatqikhiutini SEMC kut katimatinnatik
Ilaliutilugit mikiyuni katimayut nutqangakaffuklutik	SEMC	Katimaffaaligumik SEMC kut
Qaritauyakkuuqlugit kititiqhimayut NBS kunnit Aadlatlu ihuaqtumik pitjutiyaami uqariyaayukhanik	NBS TMAC GN	Katimaffaaligumik SEMC kut
Naunaiqlugu qanuqtun nakuutqiamik piyukhat ilaliutiyaami avikturviitnit havamilu kititiqhimayunik naunaitkutigiyaayukhani pivikhaqaqqat	TMAC GN	Pidjutihimmaaqtuq
Tunilutin uqaqtakhangnik aippaagu kangiqhiyaami kititirutit qanuqlu katitiqhimayut tuniyayutlu	NBS GN	Katimaffaaligumik SEMC kut
Katimalutin malruungni ubluni	GN – EDT	Katimaffaaligumik SEMC kut
Katimalutik 2018 atulihaaliqqat (Jaanuiali Fiaplualimiluunniit)	SEMC	Katimaffaaligumik SEMC kut
Ihuaqhinahuaqlugit naunaiyautigiyaaytu havaani avikturviitnilu	SEMC	Pidjutihimmaaqtuq
Inikhimaluni 2016 SEMC titiraa tuniyauluni 6 tatqikhiutit naatinnatik	GN – EDT	June 2017
Naunaiqlugu numiktiriiyt tamayait nakuuyumik atuqtaaqut	GN – EDT	Katimaffaaligumik SEMC kut
Ilaugulugit Palihihiatkut	GN – EDT	Katimaffaaligumik SEMC kut
Uqaqvigilugit qaitquyayut ilaunggittut ihumaliuqlutik kitunik hivumuuqtukhat	GN – EDT	Pidjutihimmaaqtuq

ilaudjutikhanut pidjutigiplugit tamaita havakviit		
---	--	--

3. UQAQQATIGIINGNIK

Ilauyut Kitikmeot SEMC katimadjutaani Iqaluktuuttiami uqaqpaktut hadjamin pidjutigittaaqtut nauhimayut pivalliavidjutikhainnut inuuhinut pianggaiyautikkutigun. Katimayiitalu uqaqtut ihumagiyaayut takuliqtait nunallaani pidjutigiyaayut nauhimayut pivalliavidjutikhaitigun. Tamaani, aktungnaktut nakuuyut nunallaatlu takuliqtut amigaingnia akiliuhiakhatigun ilaayunut nunallaani nanminiaqatunutlu. Ilitturiyaayuqlu TMAC kut, kampanilluaq Kitikmeoni, havakviugilluaqpaktuq, titirarhimayutitn havaktiit uqangmatta ilitturipkaingmattalu katimayiyimun. Talvallaqu pivikhaqaqyuauqtuugaluaq Kitikmeoni, kaffiuyungnaqhiyut ihumagiyaayut SEMC katimadjutaani pidjutigiplugit nunallaanit kivraqtuiyinit.

Ihumagiyaayuq uqariyavaktuq anggiktauplunilu katimayiyimit munaqtiqalluanggittuq. Amigaittut ilauyut nunanit piunayut havagiaktuffaanginnaktunik ayukhakupaktut havaamik pivikhaqangginmatta munaqtikhamik nutaqqanut aimmavianni. Imaatun ittuq atauhiq nuliagiiktunit aihimavaktuq munariyaami nutaqqainni aippaattauq havagiaktukpakhuni ilihariaqtuqtuquunniit. Taamnauyuqli ayukhautivaktuq havaatigun ayukhautigivakhuni havakvingmi aimmavianiluunniit. NAC kut uqaqtut Ilihaliaaliqtut piliqtuq ilihakvikmi Iqaluktuuttiami malruungnik ilihagutiqaqhutik: ilihahimmaaqlutik ilihaiyilu nunallaanunggauvakhunilu. Amigaikyuummiriami inuqarnia iliaaliqtukhanut ilihaiyiniq havaktukhanik nutaqqanut munaqtiuviitni.

Ilangginni, qunngiaktauyuq ilagiiktut ayukhakupaktut havariaqtuffaagiami ahinutluunniit nuutiqhutik nunamingnit, talvuuna qimakpgait havaanggit ilihavanggitluunniit. Taapkuat nutagaittut Havakviuyiit pipkaivikhaqaqtut “Havaami Upalunggaiyaidjutikhamik” havaktunut aippaitluunniit ilagiik kangiqhiyaami ihuagivallialiqlugulu havagiaktuffaangnik. Uqagiyaavaktuq Inirniit uqaudjauyiitlu havakvingmi takuhaqtukhait qilaminuaq havaktiinnut. Taimaatun atuqpagia nakuuyumik takudjutivaktuq aadlani Nunavut avikturviitni inikhaqaqhunilu amigaitqiatigun havaktikhanik.

Uqagiyaayut nunallaatigun havaktikhakhiuqtikhaniklu nampait. Taloyoak Kugaaruk lu uqagiiktut takuyumayut havaktikhanik nunamingnit. Anggitqiat nunallaat takuvalliavaktut amigaitqianik havaktinik ilihaktuniklu. Ilihaitigun, inikhaqaqtukkut ihumagiyaayuq tamainni KIA kunnit NAC kunnilu havaqatigiikhutik pivikhaqaqlutik tamainnut nunallaanut aadjikkiingnik iliaivikhatikkut. TMAC kut uqaqtut takunggittut ilaayumayut uuktuktukhani nunallaanit, aadlatlu nampait amigaittuni. Tamainni, tamaita nunallaanit kivraqtuiynggit ihumayut nunaita ilaayut ihuagittaaqtait havagiaktuffaangnikkut ilihautittaaqtutlu havaqariamngnik.

2015 mi SEMC katimadjutaani pitquyauvaktut inuuhinut pianggaiyautikkuut naunaitkutikhanik pivikhaqaqlutik talvani 2016 SEMC kut katimadjutaanni. Naunaiqtuq uqariyauvaktut, ilauyuqlu katimayiyimi naunaigumavaktuq tuktut apkuhingninggiitnik aadlani avikturviitni. Apikkuutlu GN pittaalaqiyaaqhaanik pilimaittaanginni tuktut apkuhingninggiitnik nunallaanit. Talvali, GN kut uqalimaittut kitukiaq nunamingnit ahinut pitaagtukhaq pilimaittuqluunnit, kihimi maligak GN kut piyukhat ihuaqutikhainnut Nunavunmiunut.

Doris North SEMP nga tuniyuq naunaitkutikhanik katimayiyimut uqagiyauyaami. Havakvingmi hulidjutikhait amigaikyuummiktut Doris North Havaanga munariyaukaffuhingmat, amigaipkaipluni havaktikhanik, akiliuhiakhat, ilihaivikhat, kaantraaviliqidjutikhatlu 2015 mi. Nampait amigaikyuummiktukhatlu Havaami aadlanggukpallianiarhatta aullavikhanut. Takunnaktut Doris North SEMP hadja takunnaittut aktungnaktunik munaqhiliqidjutikkuut, iglukhatigut inuliriyitikkutlu. Doris North Havaqatigiiktuni havaligtut nakuuhivallianaqhimaplugit ilanggit naunaiyautigiyaayuni imaatunlu nutaanik pipkainiangmat Havaami tamaini. Aadlatlu SEMP havaqagiyainni qinikhialigtut katimalugit maligaligiklugit naunaiyautigiyaayut tamaini havaani Nunavunmi pivikhaqariami ihuaqhimayumik naunaiyautikhanik tunihiyaami.

Hivumuungnirmunlu, pitquyauyuaq hapkuat katimadjutikhat piyukhat malruungni ubluni talvulluangmit avatqutaa atauhiq ublunggani avalialu ubluk. Uqagiyauyaami uqagumayainnik katimatillutik ikittunilu katimapkailutik. Apigiyauyuqlu katimadjutit katimaaqtukhat atulihaaliqqat 2018 Jaanualimi Fiaplualimiluunnit pipkaiyaami Aadlat iniktiriamingnik kititihimayunik titigainnik ilaliutilugitlu naunaitkutikhat kivraqtuiyini uqaqtakhainnik SEMC katimadjutaanni. Katimayiita anggiktaat, imaalu nutiqlugulu 2017 katimadjutikhaa 2016 tuuliigutivangmat ukiumi hivumuuqluta 2018 ukiunggani. Kitikmeot SEMC nga munarihimmaangniaqtaat inuuhinut pianggaiyautikut ilaliutiklutiklu uqaqvikhainnik havakvikyuatikkut kavamanilu kivraqtuiyinggit kangiqhipkaiyaanginni amigaikyuummiriami ikayuutikhat ikiqlugitlu aktungnaktut pivalliavikhanut tamaani avikturviinmi.

ILANGA A: UQAQTIUYUT

Ilanga A ilikkuuqtuq titiraq piqaqtuk Qun'ngiararhanik. Aadlanggukmata katimadjutaa katimavingmi, malinggittaat katimadjutikhaa:

1. Nunavut Kavamanga
2. Nunavut Havakvia Kititirinirmun
3. Kitikmeot Inuit Katimayiita
4. Kanatap Kavamanga NGMP
5. Sabina Gold & Silver Corp.
6. TMAC Resources Uyararhiuqtiit
7. Polar Knowledge Kanata/Chars

8. Hanigayokmi Apkutikhaa Tuluqtakvikhaalu Havaanga

ILANGA B: KATITIQHIMAYUT NAUNAITKUTIT

Ilanga B titiraq ilikkuuqtuq ilaliutiqaqtuq kititiqhimayunik naunaitkutitik inuuhinut pianggaiyautikkut tahapkunani ilaliutigiplugitlu naunaiyautigiyauyunik:

Inuqarniit

Inuqarniit nalautilluanggittut avikturviitigun nunallaatigunlu
Inuqarniit nalautilluanggittut ukiutigun, avikturviitigun nunallaatigunlu
Inuqarniit in'ngutaanirmun
Nunataarhimayut Ilitturidjutaunia

Inuuhirittiarnirmun Ihuaqutikhamunlu

Niriungnik inuuhirmun
Bibinnuat huingniat
Hin'ngaiyaingnik Inuulrammiit
Inuulihaaqtup ukumailidjuraa
Ilitturiniq higaakluinnik imialurniklu ayukhautigiyauyut
Ipiralimaittait tupaakuit
Ipiralimaittait imialuit
Iminiirniq
Munaqhiliaqpaktut nunallaani

Niqailliuqtalinirmun

Kaangnik
Hunavaluit akinggit
Akiqhaq niqitaqtauyut
Nirittiaqnirmun Ukiuqtaqtumi: Ikayuutigiyayuq maniit kaffitaala ukumailidjuraa nunallaamut

Ilinniaqnikkut

Ilihaktut ilihaiviutatigut
Ilihaffaaktut iniktiqtut naunaitkutaa
Ilihariaktuqpaktut ilihaiviutatigut

Igluliqinikkut

Atauttimut iglumiuyut
Atauttimun akiliqtuiyut igluliqiyyit nanminiitlu
Inaiknik
Utaqqiuktut iglukhamik

Qanuriliurnik Maniliurnirmun

Akiliuhiakhaa hunavaluk
Niuvvaavingmi himmauhikhaat
Angiktaudjutiqaqtut iglukpakhanut

Havaatigun

Havaatikkut qanuringmaangit
Nampait havaktut havainiitnilu maniit Nunavunmi
Taaksiutikhanik havaatigun akiliutigun havaatigunlu akiliuhiakhaitigun
Ikayuuhiakpaktut
Ikayuuhialiqliiyit akikhait

Inuit Uqauhinggit

Inuit kaffiuyut atuqpagait uqaugiyainnik
Atulluaqpaktait aimmavianni uqauhitigun

Pitquhitigut Havaakhat Ilihaqtakhaitlu

Inuqarniit angguniaqtut, iqalukhiuqtutkatitiriyut nappariaqtuqtun 12 luni tatkiqhiutini